

類下子恃怙音古戶二尋伺寺下相喜貪上音研
 求上宜聰叡下羊辨古辨字反輕下其結掉
 動上徒瑜伽上羊焚盪下音悌欲上音貧匱
 位下不感音責反下厝下倉訶下必杜多上音策勵上
 音側

十一末

三經合卷

造塔功德經

不增不減經

景六

堅固女經

造塔功德經序

翻經沙門釋圓測撰

夫塔者梵之稱譯者謂之墳或方或圓厥製

多緒乍琢乍璞文質異宜並以封樹遺靈局
 鈐法藏冀表河砂之德庶酬塵劫之勞豈伊
 弓劍衣冠言申永慕禹陵孔壁用顯緘藏而
 已哉將有量等大千覆三界而高梵世取均
 菴葉偈棗葉而譬針鋒洪纖兩途福應無二
 大小千計淨心終一何只黃金白玉架迥爭

暉火齊水精浮空競彩夕震祥飈之嚮入鏤
 鐸以流清晨霏仙露之甘上彫盤以凝玄至
 乃位隆三果勲重四禪高并有頂之宮行屆
 無災之地斯教之弘旨也

此經以永隆元年冬十一月十五日請天竺
 法師地婆訶羅唐言與西明寺沙門圓測等

五人於弘福道場奉

詔宣譯至其年十二月八日終其文義庶斯

法實周給大千俾彼慧燈照融三界云爾

佛說造塔功德經

唐中天竺三藏法師地婆訶羅奉勅譯

如是我聞一時佛在忉利天宮白玉座上與

大比丘大菩薩等及彼天主無量眾俱時大

梵天王那羅延天大自在天及五乾闥婆王

等各與眷屬俱來至佛所欲問如來造塔之

法及塔所生功德之量會中有菩薩名觀世

音知其意即從座起偏袒右肩右膝著地合

掌向佛而作是言世尊今此諸天乾闥婆等

故來至此欲請如來造塔之法及塔所生功

德之量惟願世尊為彼解說利益一切無量

眾生

爾時世尊告觀世音菩薩言善男子若此現

在諸天眾等及未來世一切眾生隨所在方

未有塔處能於其中建立之者其狀高妙出

過三界乃至至小如菴羅果所有表刹上至

梵大乃至至小猶如針等所有輪蓋覆彼大

千乃至至小猶如棗葉於彼塔內藏掩如來

所有舍利髮牙毘爪下至一分或置如來所

有法藏十二部經下下至於一四句偈其人

功德如彼梵天命終之後生於梵世於彼壽

盡生五淨居與彼諸天等無有異善男子如

我所說如是之事是彼塔量功德因緣汝諸

天等應當修學

爾時觀世音菩薩復白佛言世尊如向所說

安置舍利及以法藏我已受持不審如來四

句之義惟願為我分別演說爾時世尊說是

偈言

諸法因緣生 我說是因緣 因緣盡故滅

我作如是說

善男子如是偈義名佛法身汝當書寫置彼

塔內何以故一切因緣及所生法性空寂故

是故我說名為法身若有眾生解了如是因

緣之義當知是人即為見佛

爾時觀世音菩薩及彼諸天一切大衆乾闥婆等聞佛所說皆大歡喜信受奉行

佛說造塔功德經

佛說不增不減經

景六

元魏天竺三藏菩提留支譯

如是我聞一時婆伽婆住王舍城耆闍崛山中與大比丘衆千二百五十人俱諸菩薩摩訶薩無量無邊不可稱計

爾時慧命舍利弗於大衆中即從座起前至

三

佛所到已頂禮佛足退坐一面合掌白佛言
世尊一切衆生從無始世來周旋六道往來
三界於四生中輪迴生死受苦無窮世尊此
衆生聚衆生海為有增減為無增減此義深
隱我未能解若人問我當云何答

爾時世尊告舍利弗善哉善哉舍利弗汝為
安隱一切衆生安樂一切衆生憐愍一切衆
生利益一切衆生饒益安樂一切衆生諸天
人故乃能問我是甚深義舍利弗汝若不問
如來應供正遍知如是義者有多過咎所以
者何於現在世及未來世諸天人等一切衆
生長受衰惱損害之事永失一切利益安樂